

Plenchi

Bèl a bati

Trin trin trin. Bèlèm bèlemsubi plenchi pa bo relahá. Nos tin informashon pa parti ku bo di nos skolnan. Hopi sodó i trabou e dianan aki den skol. Tur mucha ku kalkulator ta konta nan sifranan pa wak kon nan ta pará. Último tutsnan ta planiá i ta hopi anochi di siñamentu pa asina komprondé tur e materia.

Skolnan ta trahando duru pa sera e aña pero tambe pa habri e aña eskolar nobo. Tur dos mesun importante. Kuantu alumno nan ta bai haña? Kuantu klas i kuantu dosente mester? E bukinan ta na ordu of mester bestèl mas. Kon ta pará ku otro material. Uniformnan ta klá kaba pa mayornan por bestèl? Bukinan mester wordu entregá i fecha i planifikashon pa esaki ya mester ta kla. Ta hopi trabou tin. Hobennan ya ta pensa kon nan ta bai sera nan temporada di eksamen. Tin ta bai kologá nan bukinan na kabuya pafor na kas, otro di nan ta bai hasi kampvuur ku nan agendanan. Otro ke organisá un masha danki parti pa tur nan dosentenan preferí.

Mayornan ya ta pensa kon nan ta bai yama danki na dosentenan. Tin ta hasie ku yudansa du komishon di mayor. Tin ta traha un poesia huntu ku e yu.

Dosentenan ta plania kon ta sera aña ku e hóbennan ku un aña larga nan a guia.

Den tur esei no laga nos lubida di resa. Resa pa kada dosente i edukadó ku ta yuda nos guia i forma nos yunan. Pa kada hoben ku nos tin i privilegio pa influensha nan bida. Pa kada mayor ku ta duna nan aporte na skol i na ensenansa. Na Senor nos Dios pa su guia, su amor inkondishonal. Pa bida, salu i tur oportunitat ku nos ta haña pa nos aktua. Laga nos biba i selebrá bida. Kada logro, kada eksperensha, kada regalo.

Den agènda

- **Último dia di skol pa estudiante i alumnonan ta 3 yuli 2015**
- **Startconferentie pa tur personal di RK dia 3 di ougustus 2015**
- **Promé dia di skol pa estudiante i alumnonan 6 di ougustus 2015**

Riba roster



Catwalk Reseen & Recycled 2015 na Radulphus College



Catwalk Reseen & Recycled 2015 na Radulphus College

Un prenci



Konsul di China di bishita na Radulphus College

Un delegashon di alumno di St. Joseph Primary School, di St. Maarten, tabata di bishita serka nos. E Alumnonan di Grupo 8 a kaba nan prueba final i sperando resultado nan a bin bishitá nos isla. Den kuadro di e matérianan 'History', 'Science' i 'Social Studies', nan a bishitá diferente lugá riba nos isla. Entre otro Ostrich Farm, Curaçao Dolphin Academy i Museo di Kòrsou.





St. Joseph Primary School di st. Maarten di bishita na st. Albertus College

Mi ta konta

Konseho, tumé of tiré afó

For di su 2 aña Tico tabata gusta kanta. Asina tantu ku te hasta ora su boka ta yen e ta nuri konstantemente. For di su 6 aña su mama a hibé muziekschool pa e siña kanta. Tico tabata felis i tur djarason e tabata lanta kontentu asina e kòrda ku ta dia di lès di kanta. Despues ku e tabatin mas o menos 2 luna ta bai lès, su mener a bisé ku kantamentu no ta pé. E no por kue e tononan i ta mihó e pasa pa toka instument so. Tico a kuminsá bai lès di piano pero nunca a laga kantamentu. El a kuminsá skucha i imitá masha hopi kantante faborito. Pero maske kuantu e tabata purba nunca el a yega e nivel ku e kier a alkansá. Despues ku e tabatin 20 aña el a topa un un hóben ku su viol un dia na muziekschool. Nan a kuminsá kombersá i e hóben a bisé ku e ta kere e tin un bon bos, pero e no a diskubrié ainda.

“Bo ta trata na imitá otro, en bes di traha riba desaroyo di bo mes stèm. Bo mester buska i rafiná bo mes stèm.” Mesora el a tuma e konseho ei na serio i a bai lès di tékniká di usa bos.

Despues di 2 aña Tico a bira un kantante renombrá ku un bos ùniko. Na un di su konsiertonan un mener a aserké i a bise:”Ta duel mi ku mi a deskurashabu i bisabu ku hamas lo bo kanta. Awor mi mester atmití ku ami no a husga bon. Bo ta kanta masha bunita.”

**Tico a pasa riba su desapunto i e sla ku el a haña serka e mener ya ba 2
año kaba. E no ta ni kòrda mas. El a duna e mener man i a bisé: “No
wòri, mi no ta korda mener mes. Ami ta bon pues no laga nada
molestiabu.”E mener a kana sali kabes a bou ku dolor na su kurason.**

Mucha djispou

Un maestro ta puntra su alumnonan

“Kua ta mas serka luna of Inglatera?”

E alunmo a kontestá : “luna mener”

Mener: “Luna ? Di kon luna ?”

Alumno: “Luna nos por mira mener, pero Inglatera no.”